

Faasologa i le Au Peresitene o le Ekalesia

Fonotaga ma Aposetolo e Toasefululua, Mati 1844

Na faamatalaina e Peresitene Uilifoti Uitifafi (1807–98):



“Ou te manatuaina le tautalaga faaii lava na tuuina mai e [Iosefa Samita] ia i matou a o lumanai lona maluu. . . . Na tu o ia mo se tolu itula. Na faatumuina le potu e pei o se afi mumu, o ona fofoga na manino e pei o le pulu manino samasama o le laau o le paina, ma na faaofuina o ia i le mana o le Atua. Na ia faamalamalamaina mai ia i matou o matou tiute. Na ia faataatia mai i o matou luma le atoatoaga o lenei galuega taua a le Atua; ma i lana saunoaga ia i matou na ia faapea mai ai: ‘Na faamauiina i luga o lo’u ulu ki uma, o mana uma, ma aoaoga faavae uma o le ola ma le faaolataga ia na tuuina mai e le Atua i soo se tagata o e na ola i luga o le fogaeleele. Ma o nei mataupu faavae ma lenei Perisitua ma le mana a lenei augatupulaga faaii ma le maoae lea na finagalo le Atua o le Lagi e tuuina mai Lona aao e faatuina i le lalolagi. O lenei,’ na ia saunoa mai ai, e faasino i le Toasefululua, ‘Ua ou faamauiina i luga o o outou ulu ki uma, mana uma, ma mataupu faavae uma ia na faamauiina i luga o lo’u ulu.’ . . .

“Ina ua maea ona laugaina i matou i lenei mea na ia saunoa mai: ‘Ou te tauina atu ia te outou, o avega mamafa o lenei malo ua taatia nei i luga o o outou tauau; ua matua tatau ona outou tauaveina i le lalolagi atoa’ ” (upusii i *Aoaoga a Peresitene o le Ekalesia: Iosefa Samita* [2007], 532).

Manao o Sini Rikitone

O Sini Rikitone, le Fesoasoani Muamua i le Au Peresitene Sili, na taunuu i Navu mai Pittsburgh, Penisilvania, ia Aokuso 3, 1844. Na ia taloina se fonotaga faapitoa ia faia i le Aso Lua, Aokuso 6, ina ia filifilia e tagata o le Ekalesia se leoleo mo le Ekalesia. Na foliga mai e pei na taumafai Sini Rikitone e fai lenei fonotaga ia faamaonia ai e tagata o le Ekalesia lona tulaga o se leoleo o le Ekalesia ae lei taunuu mai uma Aposetolo e Toasefululua mai a latou misiona i le Lunaite Setete i sasae. O le mea e lelei ai, ona o taumafaiga a Elder Uiliata Risati ma Elder Pale P. Palate, na tolopo le fonotaga i le Aso Tofi, Aokuso 8, 1844, i le taimi lena ua toe foi mai le toatele o Aposetolo i Navu.

Na manao Sini Rikitone ona o ia lea na valaauina talu ai ma faauuina o se failauga mo Iosefa Samita (tagai i le MF&F 100:9), o lona tiutetauave le “vaai ua taitaia le Ekalesia i le ala sao” (i *History of the Church*, 7:229).

Manao a James Strang

Ina ua maluu Iosefa Samita, o James Strang, lea na papatiso ia Fepuari 1844, na faapea mai na ia maua se tusi mai ia Iosefa

Samita ua faapea mai na tofia o ia e Iosefa e sui ia te ia. O le tusi o se saina pepelo, ae na foliga mai na aofia ai le saina a Iosefa Samita, ma na faaseseina ai nisi tagata o le Ekalesia ina ua faaali atu ia i latou e Strang. Na faapea mai foi Strang na asiasia o ia e se agelu, lea na tuuina atu ia te ia ki.

Aokuso 7, 1844

O Elder Ioane Teila, Uiliata Risati, Pale P. Palate, ma Siaoisi A. Samita na i ai lava i Navu ina ua taunuu mai Sini Rikitone. O le toatele o Aposetolo, e aofia ai Polika laga, na toe foi mai i Navu i le afiafi o Aokuso 6, 1844. O le aso na sosoo ai, Aokuso 7, na feiloai ai Aposetolo e fono i le fale o Ioane Teila. Mulimuli ane i lena aoauli, o Aposetolo e Toasefululua, le au lagolago mauuluga, ma faitaulaga sili na fono faatasi. Na fai atu Peresitene laga ia Sini Rikitone e tau atu lana savali i le Au Paia. Na tautino atu e Sini Rikitone ma le toa na ia vaai i se faaaliga ma e leai se tagata e mafai ona suitulaga ia Iosefa Samita o se Peresitene o le Ekalesia. Ona ia faatu atu lea o ia lava ia tofia o le leoleo o tagata.

Ina ua faaii le saunoaga a Sini Rikitone, na saunoa atu Polika laga (1801-77):



“Ou te le popole po o ai e taitaia le Ekalesia, . . . ae tasi le mea e tatau ona ou iloa, ma o lena mea e faapea po o le a le finagalo o le Atua i ai. O loo ia te au ki ma mea e manao-mia mo le mauaina o le finagalo o le Atua i le mataupu. . . .

“Na tuuina mai e Iosefa i luga o tatou ulu ki uma ma mana o le galuega faaAposetolo ia na ia umiaina ae lei aveesea o ia, ma e leai se tagata po o se vaega o tagata e mafai ona tovaina Iosefa ma le Toasefululua i lenei lalolagi po o le lalolagi a sau.

“Ua faafia ona saunoa mai Iosefa i le Toasefululu, Ua ou faataatiaina le faavae ae e tatau ona outou fausiaina ai i luga, aua ua taoto i luga o o outou tauau le malo” (i *History of the Church*, 7:230).

Aokuso 8, 1844, 10:00 i le taeao.

Ia Aokuso 8, 1844, na faapotopoto le Au Paia i Navu i le 10:00 i le taeao e faalogo ia Sini Rikitone o faaali ona manao o se leoleo o le Ekalesia. Na ia saunoa atu i le fia afe o le Au Paia na potopoto mo le itula ma le afa, ma faamatala atu pe aisea e tatau ai ona avea ia ma leoleo o le Ekalesia. Sa faamatalaina e ni nai tagata lana saunoaga faapea e le musuia.

Na saunoa faapuupuupu atu Peresitene Polika laga ma faapea atu ua ia filifili e sau i Navu e faanoanoa mo le Perofeta nai lo le tofia o se taitai fou. Na ia faasilasila atu o le a faia se fonotaga a taitai ma tagata mulimuli ane i le 2:00 i le afiafi. Na molimau mai ni nai tagata mulimuli ane faapea ao saunoa

Polika laga, na latou vaايا ua suia ona fofoga ma faalogoina lona siufofoga ua suia, ma o ona foliga ma le siufofoga o Iosefa Samita uma lava.

Na manatua e Emily Smith Hoyt: “O manatu faaalai, o foliga vaايا, le faalogo atu i le leo na faateia ai lou agaga atoa. . . . Na ou iloa ua maliu Iosefa. Ae sa faateia soo au ma vaai atu i le tulaga e aunoa ma se mafaufau i ai e vaai pe le o Iosefa lena. E leai, o Polika laga” (upusii i Lynne Watkins Jorgensen, “The Mantle of the Prophet Joseph Passes to Brother Brigham: A Collective Spiritual Witness,” *BYU Studies*, vol. 36, no. 4 [1996–97], 142).

Na tusia e Uilifoti Uitifafi, “Ana faapea ou te lei vaai muamua ia te ia i ou lava mata, e leai se isi e mafai ona faatalitonuina atu e leo Iosefa Samita, ma soo se tasi e mafai ona molimau i lenei mea lea na masani lelei ma nei alii e toalua” (i *History of the Church*, 7:236).

Aokuso 8, 1844, 2:00 i le afiafi.

I le 2:00 i le afiafi, na faapotopoto le Au Paia mo le mea na latou iloa o se fonotaga taua tele. Na saunoa faapuupuu lava Polika laga e uiga i le lafo a Sini Rikitone o se leoleo ma lona agaleaga ia Iosefa Samita i le lua tausaga talu ai ona faapea atu lea:

“Afae e mananao tagata ia Peresitene Rikitone e taitaia i latou e mafai ona latou maua o ia; ae ou te fai atu ia te outou o le Korama a le Toasefululua o loo i ai ki o le malo o le Atua i le lalolagi atoa.

“O le Toasefululua ua tofia e le tamatamai aao o le Atua. O Polika lenei, pe na faavaivai ea ona tulivae? Pe na pepelo ea ona laugutu? O Heber [C. Kimball] lenei ma le isi vaega o le Toasefululua, o se tino tutoatasi ua i ai ki o le perisitua—o ki o le malo o le Atua e tuuina atu i le lalolagi atoa: e moni lenei mea, ia fesoasoani mai le Atua ia te au. Ua latou tutu i tafatafa o Iosefa, ma o le Au Peresitene Sili o le Ekalesia” (i *History of the Church*, 7:233).

O le toatele o le Au Paia na faapea mai na foliga mai Polika laga ma o lona leo na pei lava o Iosefa Samita ao ia saunoa i lena aoauli. I le faapoopoo i ai i lenei vavega, o le toatele o le Au Paia na lagonaina foi le Agaga Paia o molimau mai ia i latou faapea o Polika laga ma le Korama a le Toasefululua na valaauina e le Atua e taitai le Ekalesia. I le faaiuga o lenei fonotaga, na autasi le palota a le Au Paia e lagolagoina le Korama a Aposetolo e Toasefululua, ma Polika laga i lo latou ulu, e taitaia le Ekalesia. Ae ui i lea, e leo tagata uma o le Ekalesia na iu ina filifili e mulimuli i Aposetolo. O nisi tagata na filifili nai lo o lena e mulimuli i tagata e pei o Sini Rikitone ma James Strang, ia na faatuina a laua lava lotu.

